

Universitätsbibliothek Paderborn

Ephemeris Ecclesiastica Concionatorvm Hoc Est Considerationes Methodicæ Sev Veritates Practicæ

Ex Vita Domini Jesu, Sanctorumque Gestis In Singulos anni dies mira
facilitate & solertia distributæ ... ; Cum indicibus necessariis

Pars Hyemalis - A Dominica I. Adventus Domini nostri usque ad
Dominicam Septuagesimæ

Haineuve, Julien

Coloniæ Agrippinæ, 1665

Quanta est modò nobis obligatio ad non suscipiendam circumcisionem
legalem, tanta est ad suscipiendam spiritualem.

urn:nbn:de:hbz:466:1-44194

Tertium denique quod spectat ad intentionem operis nostri, sub hoc felici formandum Nomen, non tam recte & fructuose formabitur, si nominetur in peccato Nomen, quam si extra peccatum pronuntiaretur. Neque enim potest quidquam in Nominis Domini fieri, si cum peccato fiat, aut si peccatum fiat, aut si fiat in letali peccato. Quae quia fuis in crast no pertractantur discursu, satis modò sit agnoscere quām verè Apostolus dixerit, *Diccedat ab iniquitate omnis qui nominat nomen Domini;* Quicunque tandem ille sit, sive Sacerdos, sive Laicus: sive Religiosus, sive secularis, sive Dominus, sive servus: absoluē atque universim denuntiatur *omnis*, nulla seclusa persona, nulla prætexta causa, nulla prætenta necessitate, vel occasione, vel

consuetudine nominandi, nisi prius diccedat ab iniquitate, si quam contraxerit, nisi conterratur & doleat, nisi sit in illa gratia quæ animam lanctam & gratam Deo reddit, nè sanctum hoc pronuntiet Nomen, quia frustrè pronuntiaret, frustrè laudaret, frustrè invocaret, frustè se offerret: *Sanctum & terribile nomen eius*, ut non impunè scilicet contaminetur à lingua iniqua. *Irritat adversarius nomen tuum in finem:* O misericordiam peccatoris, qui sacrum nomen Jesu non ausit tutò pronuntiare? O beatam vero necessitatem deponendi peccati: ut vel diccedat necessè sit à peccato, qui Nomen Jesu nominare velit; vel nisi velit à peccato diccedere, nefas sibi ducat proferte Nomen Jesu!

E O D E M D I E. DE CIRCVMCISIONE SPIRITUALI.

*Circumcidimini Domino, & auferite præputia Cor-
dium vestrum.* Ier. 4.

VERITAS PRACTICA.

Quarta est modo nobis obligatio ad non suscipiendum Circumcisionem legalem, tanta est ad suscipiendum spiritualem.

RATIO EST, Quia tanta obligatio quā temur ad non suscipiendum Circumcisionem legalem, petitur à lege secundum religionem Christianam quā illam modò vetat.

Sed eadem lege & religione Christiana iubemur suscipere Circumcisionem spiritualem.

Ergo quanta est unius obligatio, tanta est alterius. Quod certè est non parvi ducendum.

P RIMA propositio per se patet, & declaratur infra fuis. Sabbato post Dominicam primam Epiphania, ubi quām simili huic Veritati Veritas proponitur.

SECLINDA verò sic demonstratur; quia Circumcisio spiritualis, nihil aliud est quam talis mortificatio interior vel exterior, qualis necessaria est ad vitandum omne peccatum, & faciendum omne bonum, à Deo tibi iussum. Talis autem mortificatio tam necessariò jussa est, quām necessariò est evitandum malum, aut tale bonum faciendum, quod non posset fieri, nisi per hujusmodi mortificationem: *Matth. 5. 18.*
Unde illa Christi Domini toties iterata, *Si ocu-
lus tuus scandalizat te, si pes, si manus: eruo,
præscindo, amputa, Id est, si qua re externa aut
aliquo rei affectu impelleris ad peccatum;
mortifica hunc affectum;* *Quod idem est ac
circumcidere, Circumcidite præputia cordis ve-
stri.* *NOS sumus Circumcisio, qui spiritu servi-
mus Deo*, inquit Apostolus; quasi dicaret, pri-
mo quidem, tam necessaria est talis Circum-
cisio quam nos esse spirituales quam nos esse
Christianos, quam nos servire Deo. Dein-
de vero *NOS sumus Circumcisio*, Id est, quanti
Phil. 3. 2.
Rom. 2. 28.

N 2 quanti



quantis sumus, omnino & non ex parte tantum, sicut Iudeis erat Circumcisio; Nos inquit Christianos, ex totis nobis, sive in animo, sive in corpore, sic nos oportet usque quaque esse circumcisos, ut vere dei possimus quod sumus Circumcisio. Denique Nos sumus Circumcisio, quia videlicet propter nos instituta erat legalis Circumcisio, nostram spirituali, illa carnalis figurabat; ac proinde cum venit tempus suscipienda spiritualis huius Circumcisitionis, celsa via alia, sicut tenebrae desinunt lucente sole.

Ex quibus non modo est evidens, tantam huius spiritualis Circumcisitionis esse obligationem positivam, quanta est negativa alterius, sed ex eadem evidenter Concludendum est, positivam illam obligationem esse quoddammodo religiosorem & priorem quam negativam. Quia finis semper est fortior illis omnibus quae propter finem sunt; finis autem abrogatae legalis Circumcisitionis, est spiritualis Circumcisio; Non enim idcirco præcipitur spiritualis Circumcisio, quia carnalis ablata

est: sed idcirco carnalis auctoritas quia spiritus-lis adducta est; Neque novum statuitur Testamentum quia vetus abiit; sed vetus abiit quia novum venit. Sic expressè Apostolus: *Auctoritas primus ut sequens statuar, & res figurata semper nobilior est, & magis commendata quam quaelibet eius figura;* Unde sancti Patres & scriptura Interpretes sic Christum Dominum ajunt esse Circumcisum ut Circumcisitionem dissolvet, & aliam maiorem ostenderet id est spirituali, inquit Epiphanius.

Hebr. 10.

V. Barrad.

O quantum ergo aberrant à Lege & Religione Christiana Incircisiti corde & auribus! Hoc certum habe anima ut quam verè dictum est de Circumcisione legali: *Sic circumcidamini, Christus nihil vobis proderit, tam verè dicendum sit de spirituali: Nisi circumcidamini, Christus nihil vobis proderit.*

Gal. 5.
Vide infra die tertio & quarto. Sabbato infra Hebdomadam quintam post Epiphaniam de Communi Martyrum. Et passim ubi de Mortificatione, Intentione, & Perfectione.

T R I D U O sequenti, agitur de Triplici Puritate puræ Intentionis, seu de tribus puræ & rectæ intentionis Conditionibus, quæ ex effectis antiquæ Circumcisitionis eruntur.

Non aliter verò deinceps recensentur dies, quam quo numero & ordine connectuntur inde cursu mensis, usque ad Dominicam secundam post Epiphaniam, ubi resumeretur nomen Ferie.

De Dominica potro ante Epiphaniam occurrente, nullum est aliud institutum officium, quam eius diei quo tunc occurrit, sive vacare dicitur.



DIE